

KERATAN AKHBAR

TARIKH : 14 FEBRUARI 2024
AKHBAR : UTUSAN MALAYSIA
MUKA SURAT : 35

156,509 penduduk daftar PADU

156,509 penduduk daftar PADU

KEMAMAN: Pendaftaran sistem Pengkalan Data Utama (PADU) di Terengganu mencatatkan jumlah pendaftaran seramai 156,509 daripada 871,000 penduduk yang berusia 18 tahun ke atas di negeri ini, setakat Ahad lalu.

Pengarah Jabatan Perangkaan Malaysia Terengganu, Marlina Sahul Hamid berkata, daripada jumlah itu, daerah Kuala Terengganu mencatatkan jumlah pendaftaran tertinggi iaitu seramai 34,750 orang penduduk, diikuti

Besut seramai 23,370 orang.

“Dua daerah mencatatkan pendaftaran paling rendah iaitu Hulu Terengganu seramai 12,398 orang dan Kuala Nerus hanya 10,997 penduduk yang telah mendaftar,” katanya selepas program pengisian PADU bersama Orang Asli Kampung Sungai Pergam, di sini semalam.

Sehubungan itu, Marlina berkata, pihaknya berharap penduduk di negeri ini dapat mendaftar sebelum 31 Mac depan.

“Sebenarnya jumlah pendaftaran masih lagi rendah yang mana belum sampai 20 peratus rakyat berusia 18 tahun ke atas mendaftar menerusi sistem ini.

“Bagaimanapun, peratusan kemas kini harian PADU negeri Terengganu adalah keempat tertinggi selepas Putrajaya, Perlis dan Sarawak,” katanya.

Marlina berkata, pihaknya giat menggandakan usaha dan kempen bagi memastikan penduduk mengisi Padu.